

Liebi Frau Mumenthaler

Ich ha dänggt ich mäld mi wieder emol bi ihne. Chönne sie's glaube. Ich bi jetzt scho drei Joor in mim neue Dehei. Mini Mensche mache allerhand veruggti Sache mit mir. Das Joor bi ich sogar uffemene Huusboot gse. Das hätt ich mir jo nie träume loh. Es isch total toll gse, und ich darf in dä Ferie sogar im Bett vo mine Mensche schloofe, dass gfallt mir ganz bsunders.

Wenn mini Mensche schaffe, bi ich am Mäntig immer dr ganz Tag im Tagi. Das isch super, ich ha dört ganz vieli Fründe und cha dr ganz Tag spiele und umme Tobe. D Mensche sin ganz lieb und gänn mir d' Stricheleinheite wo ich bruuche. Dr Räscht vo dr Wuuche bi ich meistens mit minere Menschefrau unterwägs, es lauft immer öpis bi uns.

Das mit em Bsuech deheime het sich scho e chli besseret, aber ich mags immernonig so richtig. Ich traue mine Mensche eifach nonig ganz zue, dass sis im Griff händ und denn muess ICH halt luege, aber do dra schaffe mir.

In d'Hundeschuel göhn mir au immerno fließlig, dass macht mir riesig spass. Si sage ich bi e richtige Strääber. Sunscht bi ich halt amigs scho no e luusmeitli, aber deheime weiss ich mi mitlerwiile z'benäh, es wird nüt meh gstibitzt und kaputtgmacht wenn ich elei bi.

Sie gsehn es goht mir tip top. Ich schigg ihne es Paar Föteli vo mine Abentüür.

Ich wünsch Ihnen alles gueti und bliebe Sie gsund

Ganz liebi Griessli

Ihri Pepper

